

M I S S Æ

P R O P R I Æ

S A N C T O R V M

R E G N I S V E C I Æ

P A T R O N O R V M,

Ad normam

M I S S A L I S R O M A N I

Domini Domino : laudate & iuper-
exaltate eum in sæcula. *Ps.* Gloria
Patri. *Oratio.*

OMnipotens sempiternus Deus,
qui Beato Henrico Martyri
tuo atque Pontifici, glorioso tri-
umpho Martyrii largitus es pal-
mam: ejus quæsumus meritis &
precibus gratiam nobis largiaris
& gloriam. Per Dñm nostrum.

Lectio Epistolæ beati Pauli
Apóstoli ad Corinthios.

FRatres, Benedictus Deus &
Pater Domini nostri Iesu Chri-
sti, Pater misericordiarum, & Deus
totius consolationis, qui consolá-
tur nos in omni tribulatione no-
stra: ut possimus & ipsi consolári
eos, qui in omni pressúra sunt, per
exhortationem, qua exhortámur
& ipsi à Deo. Quoniam, sicut
abundant passiones Christi in no-

1
sicut loci passionum eius, sic et
tis & consolationis: in Christo
Iesu Domino nostro.

Graduale. G loria & honore co-
ronasti eum. *Ps.* Et constituisti eum
super ópera manuum tuarum, Dó-
mine. Allelúja, allelúja. *Ps.* Hic est
sacerdos, quem coronavit Dominus.
Allelúja.

Post Septuagesimam, omittis
Allelúja, & Versu sequenti, dicitur

Tractus. Beatus vir, qui timet *Psal.*
Dóminum: in mandatis ejus cupit *III.*
nimis. *Ps.* Potens in terra erit semen
ejus: generatio rectórum benedi-
cetur. *Ps.* Gloria & divitiæ in domo
ejus: & justitia ejus manet in sæcu-
lum sæculi.

Sequentia sancti Evangelii
secundum Matthæum.

In illo tempore: Dixit Iesus di-
scipulis suis: Si quis vult post me

Matt.
15. d.

KALENDARIVM
SANCTORVM
REGNI SVECIÆ
PATRONORVM.

FESTA IANVARII.

- Die xix. S. Henrici, Episcopi & Martyris. duplex.
Die xxiiij. Translatio S. Erici, Regis & Martyris. duplex.


FESTA FEBRVARII.

- Die iiij. S. Ansgarii, Episcopi & Confessoris. duplex.
Die xxv. S. Sigfridi, Episcopi & Confessoris. duplex.

FESTA MARTII.

FESTA IVLII.

- Dominica proximâ post Octavam SS. Apostolorum Petri & Pauli, celebratur Festum SS. Patronorum Sueciæ. duplex.
Die xv. S. Davidis, Abbatis.
Die xxviiij. S. Botuidi, Martyris. duplex.
Die xxix. S. Olavi, Regis & Martyris duplex.
Die xxxj. S. Helenæ, Viduæ & Martyris duplex.



M I S S Æ P R O P R I Æ
S A N C T O R V M
 R E G N I S V E C I Æ
P A T R O N O R V M.

FESTA IANVARII.

In festo sancti Henrici, Episcopi & Martyris. Introitus.



Acerdotes Dei benedicite Dóminum : sancti & húmiles corde laudate Deum. **Pfal.** Benedicite ómnia ópera

Dómini Dómino : laudate & superexaltate eum in sæcula. **v.** Gloria Patri. **Oratio.**

OMnipotens sempitérne Deus, qui Beáto Henríco Mártiri tuo atque Póntifici, glorióso triumpho Mártirii largitus es palmam: ejus quæsumus méritis & précibus grátiam nobis largiáris & glóriam. Per Dñm nostrum.

Léctio Epístolæ beáti Pauli Apóstoli ad Corínthios.

FRatres, Benedictus Deus & Pater Dómini nostri Iesu Christi, Pater misericordiárum, & Deus totius consolatiónis, qui consolatur nos in omni tribulatióne nostra: ut possimus & ipsi consolari eos, qui in omni pressúra sunt, per exhortatióne, qua exhortámur & ipsi à Deo. Quóniam, sicut abundant passiones Christi in no-

bis, ita & per Christum abundat consolatio nostra. Sive autem tribulamur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne & salúte, quæ operatur tolerántiam earúmdem passiónum, quas & nos pátimur: ut spes nostra firma sit pro vobis: sciétes, quòd, sicut sócii passiónum estis, sic éritis & consolatiónis: in Christo Iesu Dómino nostro.

Graduale. **G**loria & honóre coronásti eum. **v.** Et constituísti eum super ópera mánuum tuárum, Dómine. **A**llelúja, allelúja. **v.** Hic est sacerdos, quem coronávit Dóminus. Allelúja. *Ps.*


Post Septuagesimam, omissis Allelúja, & Versu sequenti, dicitur

Tractus. Beátus vir, qui timet Dóminum: in mandátis ejus cupit nimis. **v.** Potens in terra erit semen ejus: generatio rectórum benedicétur. **v.** Glória & divítia in domo ejus: & justitia ejus manet in sæculum sæculi. *Pfal.*
III.

Sequéntia sancti Euangélii secúndum Matthæum.

In illo témpore: Dixit Iesus discípulis suis: Si quis vult post me *Matt.*
15. d.

XVII. 20532



venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera eius.

Pf. 88. **Offertorium.** Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.
M Vnera tibi Dómine dicata sanctifica: & intercedente beato Henrico, martyre tuo atque Pontífice, per eadem nos placatus intende. Per Dóminum.

Pf. 10. **Communio.** Posuisti Dómine in capite eius corónam de lapide pretioso. **Postcommunio.**

H Æc nos commúnio, Dómine, purget à crimine: & intercedente beato Henrico, martyre tuo atque Pontífice, cælestis remedii faciat esse cónsortes. Per Dóminum nostrum.

Die xxiv. **In festo Translationis sancti Eri-
Regis & Martyris. Introitus.**

Pf. 10. **I** N virtute tua, Dómine, lætabitur justus: & super salutare tuum exultabit vehementer: desiderium animæ eius tri-

buisi ei. *Pfal.* Quóniam prævenisti eum in benedictionibus dulcedinis: posuisti in capite eius corónam de lapide pretioso. *y.* Gloria Patri.

Oratio.

P Ræsta quæsumus omnipotens Deus: ut, qui beati Eri-
Martyris tui Translationem cólimus, intercessiõne eius in tui nóm-
inis amóre roborémur. Per Dó-
minum nostrum.

L ectio libri Sapiéntiæ.

Sap. 10, 6. **I** Vstum deduxit Dñs per vias re-
ctas, & ostendit illi regnum Dei,
& dedit illi sciéntiam sanctórum:
& honestavit illum in labóribus, &
complèvit labóres illius. In frau-
de circumveniéntium illum affuit
illi: & honestum fecit illum. Cu-
stodivit illum ab inimicis, & à se-
ductóribus tutavit illum: & certá-
men forte dedit illi, ut vínceret, &
sciret quóniam ómnium potén-
tior est sapiéntia. Hæc venditum
justum non dereliquit, sed à pec-
catoribus liberavit eum: descen-
ditque cum illo in fóveam, & in
vinculis non dereliquit illum, do-
nec afferret illi sceptrum regni, &
poténtiam advérsus eos qui eum
deprimébant: & mendaces ostén-
dit, qui maculavérunt illum: &
dedit illi claritatem ætérnam, Dó-
minus Deus noster.

Pfal. 111. **Graduale.** B eátus vir, qui timet
Dóminum: in mandátis eius cupit
nimis. *y.* Potens in terra erit semen
eius: generatio rectórum benedicé-
tur. **A** llelúja, allelúja. *y.* Posuisti
Dómine super caput eius corónam
de lapide pretioso. Allelúja. *Pf. 10.*

Post Septuagesimam, omittis

Alle-

Allelúja, & Versu sequenti, dicitur

Tractus. Desiderium animæ ejus tribuisti ei, & voluntate labiõrum ejus non fraudasti eum. *v.* Quoniam prævenisti eum in benedictionibus dulcedinis. *v.* Posuisti in capite ejus coronam de lapide pretioso.

Sequencia sancti Euangeli
secundum Matthæum.

IN illo tempore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Gloria & honore coronasti eum: & constituisti eum super opera manuum tuarum, Domine.

Secreta.

MVneribus nostris, quaesumus Domine, precibusque susceptis: & caelestibus nos munda mysteriis, & clementer exaudi. Per Dominum.

Communio. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quaesumus Domine Deus noster: ut, sicut, tuorum com-

memoratiõne Sanctõrum, temporali gratulamur officio; ita perpetuo lætemur aspectu. Per Dominum nostrum.

FESTA FEBRUARII.

In festo sancti Ansgari, Episcopi & Confessoris.

Introitus.



Tatuit ei Dominus testamentum pacis: & principem fecit eum: ut sit illi sacerdotii dignitas in æternum. **Psal-**

mus. Meménto Domine David: & omnis mansuetudinis ejus. *v.* Gloria Patri.

Oratio.

EXaudi, quaesumus Domine, preces nostras, quas in beati Ansgarii Confessoris tui atque Pontificis solemnitate deferimus: &, qui tibi digne meruit famulari, ejus intercedentibus meritis ab omnibus nos absolve peccatis. Per Dominum nostrum.

Lectio libri Sapientiae.

ECce sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in

Die
iiij.Eccli.
45.Psal.
131.Eccli.
44. 6.Cap.
45.

ibid.

Matt.
16. d.

Psal.

Matt.
16.

conspéctu regum : & dedit illi corónam glóriæ. Státuit illi testaméntum ætérnum : & dedit illi sacerdotium magnum : & beatificávit illum in glória. Fungi sacerdotio , & habère laudem in nómine ipsíus : & offerre illi incénsus dignum , in odôrem suavitâtis.

Eclis.
44.

Graduale. Ecce sacerdos magnus, qui in diébus suis plácuít Deo. **ŷ.** Non est inventus similis illi, qui conserváret legem Excélsi. **A**llelúja, allelúja. **ŷ.** Tu es sacerdos in ætérnum, secúndum órđinem Melchisedech. Allelúja.

Psal.
109.

Post Septuagesimam, omisso Allelúja, & Versu sequenti, dicitur

Psal.
111.

Tractus. Beátus vir, qui timet Dóminum : in mandátis ejus cupit nimis. **ŷ.** Potens in terra erit semen ejus : generátio rectórum benedicétur. **ŷ.** Glória & divítia in domo ejus : & justitia ejus manet in sæculum sæculi.

Sequéntia sancti Euangélij secúndum Matthæum.

Matt.
25.

IN illo témpore : Dixit Iesus discípulis suis parábolam hanc : Homo péregre proficíscens, vocávit servos suos, & trádidit illis bona sua. Et uni dedit quinque talénta, álii autem duo, álii verò unum, unicuîque secúndum própriam virtútem : & proféctus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniám

dómini sui. Post multum verò témporis venit dóminus servórum illórum, & póluit ratióne cum eis. Et accédens qui quinque talénta accéperat, obtulit ália quinque talénta, dicens : Dómine, quinque talénta tradidísti mihi, ecce ália quinque superlucrátus sum. Ait illi dóminus ejus : Euge serve bone & fidélis, quia super pauca fuísti fidélis, super multa te constituam; intra in gáudium dómini tui. Accéssit autem & qui duo talénta accéperat, & ait : Dómine, duo talénta tradidísti mihi, ecce álio duo lucrátus sum. Ait illi Dóminus ejus : Euge serve bone & fidélis, quia super pauca fuísti fidélis, super multa te constituam; intra in gáudium Dómini tui.

Offertorium. Inveni David servum meum, óleo sancto meo unxi eum : manus enim mea auxiliábitur ei, & bráchium meum confortábit eum.

Pf. 88.

Secreta.

SAncti tui, quæsumus Dómine, nos ubique lætíficent : ut, dum eórum mérita recólimus, patrocínia sentiámus. Per Dóminum.

Communio. Fidélis servus & prudens, quem constituit dóminus super familiam suam : ut det illis in témpore trítici mensúram.

Luca
12.

Postcommunio.

PRæsta, quæsumus omnipotens Deus : ut de percéptis munéribus grátias exhibéntes, intercedente beáto Ansgario Confessóre tuo atque Pontífice, beneficia potióra sumámus. Per Dóminum nostrum.

In

In festo sancti Sigfridi, Episcopi
& Confessoris.

Introitus.

Statuit ei Dominus testamētum pacis: & principem fecit eum: ut sit illi sacerdotii dignitas in ætēnum. *Psal.*

mus. Memēto Dōmine David: & omnis mansuetūdinis ejus. *Psal.* 109. *Gloria Patri.*

Oratio.

Deus, qui beatū Sigfrīdum, Confessōrem tuum, Evangelicæ prædicationis gratia sublimasti: præsta quæsumus, ut & doctrinā ejus erudiāmur, & præcibus adjuvēmur. Per Dōminum nostrum.

Lectio libri Sapiētiæ.

Ecce sacerdos magnus, qui in diēbus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, & testamētum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Dōmini. Magnificavit eum in conspectu regum: & dedit illi coronam gloriæ. Statuit illi testamētum ætēnum: & dedit illi sacerdotiū magnum: & beatificavit illum in glōria. Fungi sacerdotio, & habere laudem in nōmine ipsius: & offerre illi incensum dignum, in odōrem suavitatis.

Graduale. Ecce sacerdos magnus, qui in diēbus suis placuit Deo. *Eccli.* 44. *Psal.* 109. *Alleluja, alleluja.* *Psal.* 109. *Alleluja.* Tu es sacerdos in ætēnum, secundum ordinem Melchisedech. Alleluja.

Post Septuagesimam, omisso Alleluja, & Versu sequenti, dicitur

Tractus. Beatus vir, qui timet Dōminum: in mandatis ejus cupit nimis. *Psal.* 111. *Psal.* 111. Potens in terra erit semen ejus: generatio rectōrum benedicetur. *Psal.* 111. *Gloria & divitiæ in domo ejus: & justitia ejus manet in sæculum sæculi.*

Sequentia sancti Evangelii secundum Matthæum.

In illo tempore: Dixit Iesus discipulis suis parabolam hanc: Homo peregre proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secundum propriam virtutem: & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam dōmini sui. Post multum verò temporis venit dōminus servōrum illōrum, & posuit rationem cum eis. Et accedens qui quinque talenta acceperat, obtulit alia quinque; talenta, dicens: Dōmine, quinque talenta tradidisti mihi, ecce alia quinque superlucratus sum. Ait illi dōminus ejus: Euge serve bone

& fidêlis, quia super pauca fuisti
fidêlis, super multa te constituam;
intra in gâudium dômini tui. Ac-
cêssit autem & qui duo talênta ac-
cêperat, & ait: Dômine, duo ta-
lênta tradidisti mihi, ecce âlia duo
lucrâtus sum. Ait illi dôminus e-
jus: Euge serve bone & fidêlis,
quia super pauca fuisti fidêlis, su-
per multa te constituam; intra in
gâudium dômini tui.

Pf. 88. **Offertorium.** Inveni David ser-
vum meum, ôleo sancto meo unxi
eum: manus enim mea auxiliâbitur
ei, & brâchium meum confortâbit
eum.

Secreta.

Sancti tui, quæsumus Dômine,
nos ubique lætificent: ut, dum
eôrum méria recôlimus, patrocî-
nia sentiâmus. Per Dôminum.

Luc. 12. **Communio.** Fidêlis servus &
prudens, quem constituit dôminus
super familiam suam: ut det illis in
têmpore tritici mensûram.

Postcommunio.

Præsta quæsumus, omnîpotens
Deus: ut de percéptis munéri-
bus grâtiâs exhibêntes, interce-
dente beato Sigfrido Confessôre
tuo atque Pontifice, beneficia po-
tiôra sumâmus. Per Dôminum
nostrum.

F E S T A M A R T I I .

Die xxiiij. **In festo S. Catharinæ Vastanen-
sis, Virginis. Introitus.**

Pf. 44. **D**ilexisti justitiam, & odi-
sti iniquitatem: proptér-
eâ unxit te Deus, Deus
tuus, ôleo lætitiæ præ
consortibus tuis. **Pfal-**

Ibid.

mus. Fructâvit cor meum verbum
bonum: dico ego ôpera mea Regi.
v. Glória Patri.

Oratio.

Deus, qui Ecclesiâ tuam
beâtæ Catharinæ Virginis
præclâris décoras méria, & glo-
riôsis lætificas miraculis: concède
nobis famulis tuis; ut & exem-
plis ejus in mélius reformémur, &
patrocínio ab ômnibus adversis
protegâmur. Per Dôminum no-
strum.

Lectio Epistolæ beati Pauli
Apóstoli ad Corinthios.

Fratres, Qui gloriâtur, in Dño
gloriêtur. Non enim qui seip-
sum commêdat, ille probâtus
est: sed quem Deus commêdat.
Utinam sustinerêtis môdicum
quid insipientiæ meæ; sed & sup-
portâte me. Æmulor enim vos
Dei æmulatiône. Despôndi enim
vos uni viro virginem castam ex-
hibêre Christo.

Allelúja, allelúja. **v.** Adducéntur
Regi virgines post eam: próximæ
ejus afferéntur tibi in lætitia. Alle-
lúja. **v.** Spécie tua, & pulchritudine
tua, intênde, prósperè procède, &
regna. Allelúja.

Sequéntia sancti Euangélii
secúndum Matthæum.

In illo têmpore: Accessérunt ad
Iesum Pharisæi, tentântes eum,
& dicêntes: Si licet hómîni dimít-
tere uxôrem suam, quacúmque ex
causa? Qui respôndens, ait eis:
Non legístis, quia qui fecit hómî-
nem ab inítio, másculum & fêmi-
nam fecit eos? & dixit: Propter
hoc dimíttet homo patrem &

matrem,

matrem, & adhærêbit uxôri suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Dicunt illi: Quid ergo Mòyses mandâvit dare libellum repudii, & dimittere? Ait illis: Quóniam Mòyses ad durítiam cordis vestri permísit vobis dimittere uxôres vestras: ab inítio autem non fuit sic. Dico autem vobis, quia quicumque dimiserit uxôrem suam, nisi ob fornicatió- nem, & áliam dúxerit, mœchâ- tur: & qui dimíssam dúxerit, mœchâtur. Dicunt ei discipuli ejus: Si ita est causa hóminis cum uxôre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: & sunt eunúchi, qui facti sunt ab homí- nibus: & sunt eunúchi, qui seíp- sos castraverunt propter regnum cæ- lôrum. Qui potest cápere, cápiat.

Offertorium. *F*iliæ regum in honôre tuo; ástitit regína à dextris tuis in vestitu deauráto, circúmdata varietâte.

Secreta.

Accépta tibi sit, Dómine, sa- cratæ plebis oblátio, pro tuô- rum honôre Sanctôrum: quorum se méritis de tribulatióne perce- píisse cognóscit auxílium. Per Dó- minum nostrum Iesum Christum Fílium tuum.

Communio. *Q*uínque prudén- tes vírgines accepérunt óleum in vasis suis cum lampádibus: média autem nocte clamor factus est; Ecce

sponsus venit, exíte óbviám Christo Dómino.

Postcommunio.

Satiásti Dómine famíliam tuam munéribus sacris: ejus quæsu- mus semper interventióne nos ré- fove, cujus solémnia celebrámus. Per Dóminum.

F E S T A M A I I.**In festo sancti Erici, Regis & Martyris. Introitus.**


Protexísti me Deus à convéntu malignántiũ, allelúja: à multitudíne operántium iniquitá- tem, allelúja, allelúja.

Psal. *E*xáudi Deus oratió- nem meam cum déprecor: à timôre inimíci éri- pe ánimam meam. *ꝫ*. Glória Patri.

Oratio.

Deus, qui beáto Erico, Regi & Mártiri tuo, victôriæ pal- mam & cælestis Regni glóriam contulísti: fac nos, quæsumus, ejus méritis & intercessióne, cun- cta nobis adversántia víncere, & corónam glóriæ in cælis feliciter obtinére. Per Dóminum.

Iectio libri Sapiéntiæ.

Stabunt justí in magna con- stántia, advérsus eos qui se an- gustiavérunt, & qui abstulérunt labóres eórum. Vidéntes turba- buntur timôre horríbili, & mira- buntur in subitatióne insperátæ salútis, dicéntes intra se, poenitén- tiam ágéntes, & præ angústia spí- ritus geméntes: Hi sunt, quos ha- búimus aliquándo in derísu, & in similitúdinem improperii. Nos

inven-

insensati vitam illorum aestimabamus insaniam, & finem illorum sine honore: ecce, quomodo computati sunt inter filios Dei, & inter sanctos fors illorum est.

Pf. 88. Allelúja, allelúja. *v.* Confitebuntur caeli mirabilia tua Domine: etenim veritatem tuam in ecclesia sanctorum. Allelúja. *v.* Posuisti Domine super caput eius coronam de lapide pretioso. Allelúja.

Sequentia sancti Evangelii secundum Ioannem.

Ioan. 15. **I**N illo tempore: Dixit Iesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Iam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes; & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

Pf. 88. **O**ffertorium. Confitebuntur caeli mirabilia tua Domine, & veritatem tuam in ecclesia sanctorum, allelúja, allelúja. **Secreta.**

MVneribus nostris, quaesumus Domine, precibusque sus-

ceptis, & caelestibus nos munda mysteriis, & clementer exaudi. Per Dominum nostrum.

Communio. Laetabitur justus in Domino, & sperabit in eo: & laudabuntur omnes recti corde, allelúja, allelúja.

Postcommunio.

DA, quaesumus Domine Deus noster: ut, sicut tuorum commemoratione sanctorum, temporali gratulamur officio; ita perpetuo laetemur aspectu. Per Dominum nostrum.

Si autem extra tempus Paschale celebratur, Missa dicitur, In virtute tua. ut in Communi Martyris non Pontificis. iiij. nisi quod Euangelium erit, Si quis vult post me venire. Oratio autem, & Secreta, & Postcommunio, ut supra.

FESTA IUNII.

In festo sancti Aeschili, Episcopi & Martyris. **Introitus.**



Acerdotes Dei benedicite Dominum: sancti & humiles corde laudate Deum. **Psal.** Benedicite omnia opera Domini Domino: laudate & superexaltate eum in saecula. *v.* Gloria Patri.

Oratio.

DEus, qui beatum Aeschilum Pontificem tuum, pro fidei dilatatione martyrium subire voluisti: praesta quaesumus; ut omnes qui ejus implorant auxilium, petitionis suae salutarem consequantur effectum. Per Dominum nostrum.

Lectio

Lectio Epistolæ beati Pauli
Apóstoli ad Corinthios.

FRatres: Benedíctus Deus & Pater Dómini nostri Iesu Christi, Pater misericordiárum, & Deus totius consolatiónis, qui consolá- tur nos in omni tribulatióne no- stra: ut possimus & ipsi consolári eos, qui in omni pressúra sunt, per exhortatióne, qua exhortámur & ipsi à Deo. Quóniam sicut abúndant passiónes Christi in no- bis: ita & per Christum abún- dat consolatio nostra. Sive autem tribulámur pro vestra exhortatió- ne & salúte, sive consolámur pro vestra consolatióne, sive exhor- támur pro vestra exhortatióne & salúte, quæ operátur tolerántiam earúmdem passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éri- tis & consolatiónis: in Christo Iesu Dómino nostro.

Graduale. Glória & honóre co- ronásti eum. *ꝫ.* Et constituísti eum super ópera mánuum tuárum, Dó- mine. *A*llel. allel. *ꝫ.* Hic est sacer- dos, quem coronávit Dñs. Allelúja.

Sequéntia sancti Euangélii
secúndum Ioánnem.

IN illo témpore: Dixit Iesus Pha- risæis: Ego sum pastor bonus. Bonus pastor ánimam suam dat pro óvibus suis. Mercenárius au- tem, & qui non est pastor, cuius non sunt oves própriæ, videt lu- pum veniéntem, & dimíttit oves, & fugit: & lupus rapit, & dispér- git oves: mercenárius autem fu- git, quia mercenárius est, & non

pértinet ad eum de óvibus. Ego sum pastor bonus: & cognóscó meas, & cognóscunt me meæ. Sicut novit me Pater, & ego agnóscó Patrem: & ánimam meam pono pro óvibus meis. Et álias oves hábeo, quæ non sunt ex hoc ovíli: & illas opórtet me addúce- re, & vocem meam áudient, & fiet unum ovíle, & unus pastor.

Offertorium. Inveni David ser- vum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MVnera tibi Dómine dicáta sanctífica: & intercedente beáto Æschilo, mártire tuo atque Pontífice, per éadem nos placá- tus inténde. Per Dóminum.

Communio. Posuísti Dómine in cápite ejus corónam de lápide pre- tióso.

Postcommunio.

HÆc nos commúnio, Dómi- ne, purget à crimine: & in- tercedente beáto Æschilo, má- rtyre tuo atque Pontífice, cæléstis remédii fáciat esse consórtes. Per Dóminum nostrum.

F E S T A I V L I I .

**Dominica proxima post Octa-
vam SS. Petri & Pauli Apostolo-
rum, celebratur Festum Sancto-
rum Patronorum Regni Sueciæ.**

Introitus.



Audeámus omnes in Dómino, diem festum celebrántes sub honóre Sanctórum ómnium: de quorum solemnitáte

gaudent

gaudent Angeli, & collaudant Filium Dei. **Pfalm.** Exultate iusti in Domino: rectos decet collaudatio.

✠ Glória Patri.

Oratio.

Infirmi-tatem nostram, quaesumus Domine, propitius respice: & mala omnia, quae pro peccatis nostris iuste meremur, Sanctorum tuorum hujus Regni Patronorum intercessione clementer averte. Per Dñm nostrum.

Lectio libri Sapiëntiae.

Iustorum animae in manu Dei sunt, & non tanget illos tormentum mortis. Visi sunt oculis insipientium mori: & aestimata est afflictio exitus illorum; & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt iusti, & tamquam scintillae in arundinato discurrent. Iudicabunt nationes, & dominabuntur populis, & regnabit Dominus illorum in perpetuum.

Graduale. Timete Dominum omnes sancti eius: quoniam nihil deest timentibus eum. ✠ Inquirentes autem Dominum non deficient omni bono. Allelúja, allelúja.

✠. Venite ad me omnes qui laboratis & onerati estis, & ego reficiam vos. Allelúja.

Sequentia sancti Euangelii secundum Matthaeum.

In illo tempore: Videns Iesus turbas, ascendit in montem; & cum sedisset, accesserunt ad eum discipuli eius; & aperiens os suum, docebat eos, dicens: Beati pauperes spiritu: quoniam ipsorum est regnum caelorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt & sitiunt iustitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati, qui persecutionem patiuntur propter iustitiam: quoniam ipsorum est regnum caelorum. Beati estis cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in caelis. **C**redo.

Offertorium. Iustorum animae in manu Dei sunt, & non tanget illos tormentum malitiae: visi sunt oculis insipientium mori, illi autem sunt in pace.

Secreta.

Mvnera tibi, Domine, nostrae devotionis offerimus: quae & pro cunctorum tibi grata sint honore iustorum, & nobis salutaria, te miserante, reddantur. Per Dominum nostrum.

Communio. Beati mundo corde, quoniam ipsi Deum videbunt:

beati

beāti pacifici, quóniam filii Dei vocabúntur: beāti, qui persecutióne patiúntur propter iustitiam, quóniam ipsórum est regnum cælórum.

Postcommunio.

DA, quæsumus Dómine, fídelibus pópulis, ómnium Sanctórum semper veneratióne latá-ri, & eórum perpétua supplicatióne muníri. Per Dóminum.

In festo S. Davidis Abbatis.**Introitus.**

OS justi meditábitur sapiéntiam, & lingua ejus loquétur iudícium: lex Dei ejus in corde ipsíus. **Psal.** Noli æmulá-ri in malignántibus: neque zeláveris faciéntes iniquitátem. **Ps.** Glória Patri.

Oratio.

Intercéssio nos, quæsumus Dómine, beāti Davidis Abbátis comméndet: ut, quod nostris méritis non valémus, ejus patrocínio assequámur. Per Dóminum.

Lectio libri Sapiéntiæ.

Diléctus Deo & homínibus, cujus memória in benedictiόne est. Símilem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & iussit illi coram pópulo suo, & osténdit illi glóriam suam. In fide & lenitáte ipsíus sanctum fecit illum, & elégit eum ex omni carne. Audívit enim eum, & vocem ipsíus, & indúxit illum in nubem. Et dedit illi corám præcépta, & legem vitæ & disciplinæ.

Graduale. Dómine, præveniisti eum in benedictiόnibus dulcédinis: posuisti in cápite ejus corónam de lápide pretiόso. **Ps.** Vitam pètiit à te, & tribuisti ei longitudinem diérum in sæculum sæculi. **A**llelúja, allelúja. **Ps.** Iustus ut palma florébit: sicut cedrus Líbani multiplicábitur. Allelúja.

Sequéntia sancti Euangélii secúndum Matthæum.

In illo témpore: Dixit Petrus ad Iesum: Ecce nos reliquimus ómnia, & secúti sumus te: quid ergo erit nobis? Iesus autem dixit illis: Amen dico vobis, quòd vos, qui secúti estis me, in regeneratiόne, cum sèderit Fílius hóminis in sede majestátis suæ, sedébitis & vos super sedes duódecim, iudicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípiet, & vitam ætérnam possidébit.

Offertorium. Desidérium animæ ejus tribuisti ei Dómine, & voluntáte labiόrum ejus non fraudásti eum: posuisti in cápite ejus corónam de lápide pretiόso.

Secreta.

Sacris altáribus, Dómine, hóstias superpósitas sanctus David Abbas, quæsumus, in salútem nobis proveníre depóscat. Per Dóminum nostrum.

Communio. Fídelis servus & prudens, quem constituit dóminus super familiam suam: ut det illis in témpore trítici mensúram.

b

Post-



Postcommunio.

PRótegat nos, Dómine, cum tui perceptiōne sacramenti, beátus David Abbas, pro nobis intercedéndo: ut & conversatiōnis ejus experiámur insígnia, & intercessiōnis percipiámus suffrágia. Per Dóminum nostrum.

Die
xxviiijIn festo sancti Botuidi, Martyris.
Introitus.

Psal. 63.



ibid.

Letábitur justus in Dómino, & sperábit in eo: & laudabúntur omnes recti corde. **Psal.** Exáudi Deus oratiōnem meam cum deprecor: à timóre inimíci éripe ánimam meam. **V.** Glória Patri.

Oratio.

Cordibus nostris, quæsumus Dómine, veræ fidei splendor illúceat: & beáti Botuidi Mártiris tui salutáris intercésio ab instántibus perículis nos deféndat. Per Dóminum nostrum.

Lectio Epístolæ beáti Pauli
Apóstoli ad Timótheum.2 Tim.
2.

Charíssime; Memor esto, Dóminum Iesum Christum resurrexísse à mórtuis ex semine David, secúndum Euangélium meum, in quo labôro usque ad víncula, quasi malè óperans: sed verbum Dei non est alligátum. Ideò ómnia sustíneo propter electos, ut & ipsi salútem consequántur, quæ est in Christo Iesu, cum glória cælesti. Tu autem affecútus es meam doctrinam, institutiōnem, propósitum, fidem, longanimitátem, dilectiōnem, pa-

Cap.
3. Co.

tiéntiam, persecutiōnes, passiōnes: quália mihi facta sunt Antiochiæ, Iconii, & Lystris: quales persecutiōnes sustinui, & ex ómnibus erípuit me Dóminus. Et omnes, qui piè volunt vívere in Christo Iesu, persecutiōnem patiéntur.

Graduale. Iustus, cum ceciderit, non collidétur: quia Dóminus supponit manum suam. **V.** Tota die miserétur, & cōmodat: & semen ejus in benedictiōne erit. **Allelúja, allelúja.** **V.** Qui séquitur me, non ámbulat in ténebris, sed habébit lumen vitæ æternæ. **Allelúja.**

Sequéntia sancti Euangélii
secúndum Ioánnem.

In illo témpore: Dixit Iesus discípulis suis: Amen, amen dico vobis, nisi granum fruménti, cadens in terram, mórtuum fúerit; ipsum solum manet. Si autem mórtuum fúerit, multum fructum affert. Qui amat ánimam suam, perdet eam: & qui odit ánimam suam in hoc mundo, in vitam æternam custódit eam. Si quis mihi ministrat, me sequátur: & ubi sum ego, illic & míster meus erit. Si quis mihi ministráverit, honorificábit eum Pater meus.

Offertorium. Posuísti Dómine in cápite ejus corónam de lapide pretiósó: vitam pétiit à te, & tribuísti ei, allelúja.

Secreta.

Accépta sit in conspéctu tuo, Dómine, nostra devótió: & ejus nobis fiat supplicatiōne salutáris, pro cujus solemnitáte defératur. Per Dóminum.

Com-

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatiōne muneris sacri, quæsumus Dōmine Deus noster: ut, cuius exequimur cultum, intercedente beato Botuideo mārtyre tuo, sentiāmus effectum. Per Dōminum nostrum.

In festo sancti Olavi, Regis & Martyris. Introitus.

IN virtute tua, Dōmine, lætabitur justus: & super salutāre tuum exultabit vehementer: desiderium animæ ejus tribuisti ei. **Psal.** Quoniam prævenisti eum in benedictiōnibus dulcedinis: posuisti in capite ejus corōnam de lapide pretioso. **✠.** Gloria Patri.

Oratio.

Deus, qui es Regum corōna, & Mārtyrum victōria: tribue nobis, quæsumus, beati Olavi Regis & Mārtyris tui pia apud te experiri patrocīnia: ut per tuam, quam in ejus passiōne glorificāmus magnificentiam, corōnam vitæ diligentibus te percipiāmus repromissam. Per Dōminum nostrum.

Lectio libri Sapiētiæ.

Iustum deduxit Dñs per vias reſtas, & ostēdit illi regnum Dei, & dedit illi sciētiā sanctōrum: honestavit illum in labōribus, & complēvit labōres illius. In fraude circumveniētiū illum affuit illi: & honestum fecit illum. Custodivit illum ab inimicis, & à se-

ductōribus tutavit illum: & certamen forte dedit illi, ut vinceret, & sciret quoniam omnium potēntior est sapiētia. Hæc venditum justum non dereliquit, sed à peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potēntiam adversus eos qui eum deprimēbant: & mendaces ostēdit, qui macularunt illum: & dedit illi claritatem æternam, Dōminus Deus noster.

Graduale. Beatus vir, qui timet Dōminum: in mandatis ejus cupit nimis. **✠.** Potens in terra erit semen ejus: generatio rectōrum benedicetur. **A**llelūja, allelūja. **✠.** Posuisti Dōmine super caput ejus corōnam de lapide pretioso. Allelūja.

Sequēntia sancti Euangēlii secundum Matthæum.

IN illo tempore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Gloria & honore coronasti eum: & constituisti eum

super ópera mánuum tuárum , Dó-
mine.

Secreta.

M Vneribus nostris , quæsu-
mus Dómine , precibúsqve
susceptis : & cælestibus nos munda
mysteriis, & cleménter exaudi.
Per Dóminum.

Matt.
16.

Communio. Qui vult venire
post me , abneget semetipsum : &
tollat crucem suam, & sequatur me.

Postcommunio.

D A, quæsumus Dómine Deus
noster: ut, sicut, tuórum com-
memoratióne Sanctórum , tem-
poráli gratulamur officio; ita per-
pétuo lætémur aspéctu. Per Dó-
minum nostrum.

Die
xxxj.

**In festo sanctæ Helenæ, Viduæ
& Martyris. Introitus.**

Psal.
118.

M E expectavérunt pec-
catóres , ut pérderent
me: testimónia tua Dó-
mine intelléxi : omnis

consummatiônis vidi fi-
nem : latum mandátum tuum ni-
mis. **Psal.** B eáti immaculáti in
via : qui ámbulant in lege Dómini.

Ibid.

✠. Glória Patri.

Oratio.

L Argire nobis , quæsumus ,
cleméntissime Deus , inter-
cessiône beátæ Hélenæ Mátyris
tuæ, véniam nostrórum peccató-
rum : & , quos ejus concédís so-
lémniis gloriári , da ejus précibus
gloriósis cælitus adjuvári. Per
Dóminum nostrum.

Léctio libri Sapiéntiæ.

Prov.
31. b.

M Vlierem fortem quis invé-
niet ? procul & de últimis

finibus prætium ejus. Confidit in
ea cor viri sui , & spóliis non in-
digébit. Reddet ei bonum , &
non malum , ómnibus diébus vi-
tæ suæ. Quæsivit lanam & li-
num , & operata est consilio má-
nuum suárum. Facta est quasi
navis institóris , de longè portans
panem suum. Et de nocte sur-
réxit , deditque prædam domésti-
cis suis , & cibária ancillis suis.
Considerávit agrum , & emit
eum : de fructu mánuum suárum
plantávit vineam. Accínxit for-
titúdine lumbos suos , & roborá-
vit bráchium suum. Gustávit &
vidit quia bona est negotiatio
ejus : non extinguetur in nocte
lucérna ejus. Manum suam misit
ad fórtia , & dígiti ejus apprehen-
derunt fusum. Manum suam apé-
ruit ínopi , & palmas suas extén-
dit ad páuperem. Non timébit
dómui suæ à frigóribus nivis: om-
nes enim doméstici ejus vestiti
sunt duplicibus. Stragulátam ve-
stem fecit sibi : byssus & púrpu-
ra indumentum ejus. Nóbilis in
portis vir ejus , quando séderit
cum senatóribus terræ. Síndonem
fecit & véndidit , & cíngu-
lum trádidit Chananæo. Forti-
túdo & decor indumentum ejus,
& ridébit in die novíssimo. Os
suum apéruit sapiéntiæ , & lex
cleméntiæ in lingua ejus. Con-
siderávit sémitas domus suæ , &
panem otíosa non comédit. Sur-
rexérunt filii ejus , & beatíssi-
mam prædicavérunt ; vir ejus , &
laudávit eam. Multæ filiæ con-
gregavérunt divítias : tu super-

gréssa

gréssa es univérſas. Fallax grátia, & vana est pulchritúdo : múlier timens Dóminum, ipsa laudábitur. Date ei de fructu mánuum suárum : & laudent eam in portis ópera ejus.

Graduale. Dilexisti justítiam, & odísti iniquitátem. *Psalm.* Propterea unxit te Deus, Deus tuus, óleo lætitiæ. *Psalm.* Allelúja, allelúja. *Psalm.* Specie tua, & pulchritúdine tua, inténde, próſperè procède, & regna. Allelúja.

Sequéntia sancti Euangélii
secúndum Matthæum.

IN illo témpore: Loquente Iesu ad turbas, ecce mater ejus & fratres stabant foris, quærentes loqui ei. Dixit autem ei quidam: Ecce mater tua & fratres tui foris stant, quærentes te. At ipse, respóndens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fécerit voluntátem Patris mei qui in cælis est, ipse meus frater, & soror, & mater est.

Offertorium. Diffúsa est grátia in lábiis tuis, propterea benedixit te Deus in ætérnum, & in sæculum sæculi, allelúja.

Secreta.

SVscipe Dómine múnera, quæ in beátæ Hélenæ mártiris tuæ solemnitáte deférimus: cujus nos confidimus patrocínio liberári. Per Dóminum nostrum.

Communio. P rincipes persecúti sunt me gratis, & à verbis tuis formidávit cor meum: lætabor ego su-

per elóquia tua, quasi qui invênit spólia multa.

Postcommunio.

AVxiliéntur nobis, Dómine, sumpta mystéria: & intercedente beáta Hélena mártire tua, sempitérna fáciant protectióne gaudere. Per Dóminum nostrum.

FESTA AVGVSTI.

**Commemoratio sanctæ Cathari-
næ Vastanensis, Virginis.**

Missa, ut supra, xxiiij Martii.

FESTA OCTOBRIS.

In festo sanctæ Birgittæ, Viduæ.

Introitus.



Ognóvi Dómine, quia æquitas judícia tua, & in veritáte tua humiliásti me: confige timóre tuo carnes meas, à mandátis tuis tímui.

Psalm. Beáti immaculáti in via: qui ámbulant in lege Dómini. *Psalm.* Glória Patri.

Oratio.

Domine Deus noster, qui beátæ Birgittæ per Fílium tuum unigénitum secréta cælestia revelásti: ipsíus pia intercessióne, da nobis fámulis tuis, in revelatióne sempitérnæ glóriæ tuæ gaudere lætantes. Per eúndem Dóminum nostrum.

Léctio Epístolæ beáti Pauli Apóstoli ad Timótheum.

Charíssime; Víduas honóra, quæ verè víduæ sunt. Si quæ autem vídua filios aut nepótes ha-

bet: discat primùm domum suam régere, & mútuam vicem rédde- re paréntibus: hoc enim accé- ptum est coram Deo. Quæ au- tem verè vídua est, & desoláta, speret in Deum, & instet obsecra- tióibus & oratióibus nocte ac die. Nam quæ in deliciis est, vi- vens mórtua est. Et hoc præcipe, ut irreprehensibiles sint. Si quis autem suórum, & máximè dome- sticórum, curam non habet, fidem negávit, & est infidéli detérior. Vídua eligátur non minùs sexa- ginta annórum; quæ fúerit uníus viri uxor, in opéribus bonis testi- mónium habens, si filios educávit, si hospítio recépit, si sanctórum pedes lavit, si tribulatiónem pa- tiéntibus subministrávit, si omne opus bonum subsecúta est.

Pf. 44. **Graduale.** Diffúsa est grátia in lábiis tuis, proptérea benedixit te Deus in ætérnum. *v.* Propter veri- tatem, & mansuetúdinem, & justí- tiam: & dedúcet te mirábiliter dex- tera tua. **Allelúja, allelúja.** *v.* Spécie tua, & pulchritúdine tua, inténde, próspere procéde, & regna. **Allelúja.**

Sequéntia sancti Euangélii secúndum Matthæum.

Matt. 13. f. **I**N illo témpore: Dixit Iesus di- scípulis suis parábolam hanc. Símile est regnum cælórum the- sauro abscondito in agro: quem qui invenit homo, abscondit, & præ gáudio illius vadit, & vendit univérsa quæ habet, & emit agrum illum. Iterum símile est regnum cælórum hómini negotiátóri, quæ-

rénti bonas margarítas. Invénta autem una pretiósá margaríta, ab- iit, & vendidit ómnia quæ hábuit, & emit eam. Iterum símile est re- gnum cælórum sagénæ missæ in mare, & ex omni genere píscium congregánti. Quam, cum impléta esset, educéntes, & secus littus se- déntes, elegérunt bonos in vasa, malos autem foras misérunt. Sic erit in consummatióne sæculi: exi- bunt Angeli, & separábunt malos de médio justórum, & mittent eos in camínium ignis: ibi erit fle- tus, & stridor déntium. Intellexí- stis hæc ómnia? Dicunt ei: Etiam. Ait illis: Ideo omnis scriba doctus in regno cælórum, símilis est hó- mini patrifamílias, qui profert de thesauro suo nova & vétera.

Offertorium. Diffúsa est grátia in lábiis tuis, proptérea benedixit te Deus in ætérnum, & in sæculum sæ- culi. *Pfal. 44.*

Secreta.

ACcépta tibi sit, Dómine, sa- cratæ plebis oblátio pro tuó- rum honóre Sanctórum: quorum se méritis de tribulatióne perce- píffe cognóscit auxiliúm. Per Dó- minum nostrum.

Communio. Dilexísti justítiam, & odísti iniquitatem: proptérea un- xit te Deus, Deus tuus, óleo lætitiæ præ consórtibus tuis. *Pfal. 44.*

Postcommunio.

Satiásti Dómine familiã tuam munéribus sacris: ejus quæsum- mus semper interventióne nos ré- fove, cujus solémnia celebrámus. Per Dóminum.

F I N I S.